



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՎԱՅՈՑ ՁՈՐԻ ՄԱՐԶՊԵՏ

Ո Ր Ո Շ ՈՒ Մ

<<14>> սոյեմբեր 2011թ
ք. Եղեգնաձոր

N 94

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՅՈՑ ՁՈՐԻ ՄԱՐԶՊԵՏԱՐԱՆԻ ՊԱՇՏՈՆԱԿԱՆ ՀԱՄԱՑԱՆՑԱՅԻՆ ԿԱՅՔԻ ՍՊԱՍԱՐԿՄԱՆ ԱՇԽԱՏԱԿԱՐԳԸ ՀԱՍՏԱՏԵԼՈՒ ՄԱՍԻՆ

Ղեկավարվելով <Տեղեկատվության ազատության մասին> ՀՀ 2003 թվականի սեպտեմբերի 23-ի ՀՕ-11-Ն օրենքի 7-րդ և 12-րդ հոդվածներով, Հայաստանի Հանրապետության նախագահի 1997 թվականի մայիսի 6-ի <Հայաստանի Հանրապետության մարզերում պետական կառավարման մասին> ՆՀ-728 հրամանագրի 1.6 կետով և հիմք ընդունելով Հայաստանի Հանրապետության տարածքային կառավարման նախարար, փոխվարչապետի 2011 թվականի սեպտեմբերի 9-ի N01/18/581-11 հանձնարարականի, մարզպետարանի պաշտոնական համացանցային կայքի սպասարկման աշխատանքները պատշաճ կազմակերպելու համար.

Ո Ր Ո Շ ՈՒ Մ ԵՄ

1. Հաստատել ՀՀ Վայոց ձորի մարզպետարանի պաշտոնական համացանցային կայքի սպասարկման աշխատակարգը՝ համաձայն հավելվածի:
2. ՀՀ Վայոց ձորի մարզպետարանի աշխատակազմի ղեկավարին.
ապահովել սույն որոշումից բխող գործառույթների իրականացումը:


Ս. ԱՎԳՐԱՏՅԱՆ

Հավելված

ՀՀ Վայոց ձորի մարզպետի
2011 թ. նոյեմբերի 14-ի
թիվ 94 որոշման

Ա Շ Խ Ա Տ Ա Կ Ա Ր Գ

ՀՀ Վայոց ձորի մարզպետարանի պաշտոնական համացանցային կայքի
սպասարկման

1. ՀՀ Վայոց ձորի մարզպետարանի պաշտոնական համացանցային կայքի նկարագրությունը

<http://vdzor.gov.am> -ը ՀՀ Վայոց ձորի մարզպետարանի պաշտոնական համացանցային կայքն է (այսուհետ՝ Վայք), որի նպատակն է ապահովել՝

- մարզի կառավարման և տեղական ինքնակառավարման համակարգերի, նրանց կազմի և կառուցվածքի մասին տեղեկատվության ներկայացումը հանրությանը,
- տեղեկությունների մատչելիությունն ու հրապարակայնությունը,
- մարզպետարանի տնօրինության տակ գտնվող տեղեկատվության գրանցումը, դասակարգումը և պահպանումը,
- հավաստի և ամբողջական տեղեկատվության տրամադրումը:

Վայք մուտք գործել կարելի է նաև Հ Հ տարածքային կառավարման նախարարության www.mta.gov.am կայքի գլխավոր էջում տեղադրված հղմանը նշում կատարելով:

2. Պաշտոնական համացանցային կայքի կառուցվածքը.

2.1 Ելակետում տեղադրված է ՀՀ Վայոց ձորի մարզպետի ողջունի խոսքը, ցուցադրվում են վերջին նորությունները:

2.2 Մարզպետարանի <http://vdzor.gov.am> Վայքը կառուցված է հետևյալ բաժիններից.

Մարզպետարան, Տեղեկատվական կենտրոն, Համայնքներ, Ծրագրեր, Մարզի սոցիալ-տնտեսական իրավիճակը, Ընդհանուր տեղեկություններ, Իրավական ակտեր,

Կազմակերպություններ, Քաղաքացիների ընդունելություն, Հայտարարություններ, Դիմեք մեզ, Քննարկումներ, Հղումներ:

Մարզպետարան ենթահամակարգում ներկայացվում է տեղեկատվություն մարզպետարանի մասին, կառուցվածքի, որի մեջ ներառված են մարզպետի աշխատակազմը և աշխատակազմի կառուցվածքային ստորաբաժանումները՝ ղեկավարների կենսագրությամբ, ինչպես նաև տվյալ պաշտոնի գործառույթների և իրավասությունների մասին նկարագրությամբ, ՊԿՀ-ի կանոնադրությունը, բյուջեի՝ ՀՀ պետական բյուջեից մարզպետարանին հատկացված գումարների մասին, ՀՀ Վայոց ձորի մարզպետի ամենամյա հաշվետվությունները, մարզի խորհրդի նիստերի օրակարգերը և արձանագրությունները:

• **Տեղեկատվական կենտրոն** ենթահամակարգն իր մեջ պարունակում է մարզին վերաբերվող պարբերական նյութերի, մարզպետի ուղերձների ու հարցազրույցների, ինչպես նաև հոբելյանական միջոցառումների մասին տեղեկատվական նյութեր:

Համայնքներ ենթահամակարգում ներառվում է տեղեկատվություն մարզի տեղական ինքնակառավարման մարմինների մասին տեղեկատվություն: Առանձնացված տեսքով ներկայացված են մարզի բոլոր համայնքների ղեկավարների կոնտակտային և կեսագրական տվյալները, համայնքների ավագանու անդամների ցուցակները, մարզի համայնքների ու ավագանու որոշումները, համայնքային բյուջետային եկամուտներն ու ծախսերը, համայնքների ղեկավարների հաշվետվությունները, ինչպես նաև վարչական հսկողության արձանագրությունները:

Ծրագրեր ենթահամակարգում ներկայացվում են մարզի սոցիալ-տնտեսական զարգացման ծրագիրը, կիսամյակային աշխատանքային պլանի մոնիտորինգի և գնահատման տարեկան հաշվետվությունները, մարզպետարանի աշխատակազմի և միջազգային կազմակերպությունների կողմից մարգում իրականացված ծրագրերը:

Մարզի սոցիալ-տնտեսական իրավիճակը ենթահամակարգում ներառվում է տեղեկատվություն ՀՀ Վայոց ձորի մարզի սոցիալ-տնտեսական իրավիճակի, մարզային հիմնախնդիրների ու գերակայությունների մասին:

Ընդհանուր տեղեկություններ ենթահամակարգում ներկայացվում են տեղեկություններ պատմաաշխարհագրության, զբոսաշրջության, պատմամշակութային հուշարձանների, բնության հատուկ պահպանվող տարածքների մասին:

Արտաքին կապեր ենթահամակարգում ներկայացվում են Վայոց ձորի մարգում իրականացվող արտաքին կապերի ընդլայնմանն ու զարգացմանն ուղղված միջոցառումները, միջազգային կազմակերպությունների, դեսպանությունների ներկայացուցիչների այցերը, ձեռք բերված պայմանավորվածությունները:

Իրավական ակտեր ենթահամակարգում ներկայացվում են ՀՀ օրենքներ, Նախագահի հրամանագրեր, Կառավարության որոշումներ, մարզպետի որոշումներն ու կարգադրությունները, ինչպես նաև այլ իրավական ակտեր:

Կազմակերպություններ ենթահամակարգի տրվում է տեղեկույթ մարզի կազմակերպությունների, ՀՀ գործադիր մարմինների տարածքային ծառայությունների, հասարակական կազմակերպությունների, ձեռնարկությունների, սոցիալական, առողջապահական, կրթական, մշակույթի և սպորտի հաստատությունների, մարգում գործող լրատվամիջոցների և ազգային փոքրբնականությունների մասին:

Քաղաքացիների ընդունելություն ենթաբաժնում ցանկացած այցելու կարող է համակարգում ծանոթանալ մարզպետի մոտ քաղաքացիների ընդունելության ժամանակացույցին, կարգին, ընդունելության համար ցուցակագրված քաղաքացիների ցանկին և ընդունելության արդյունքներին՝ եռամսյակային կտրվածքով:

Հայտարարություններ ենթաբաժնում տեղադրվում են տարբեր բնույթի հայտարարություններ՝ թափուր աշխատատեղերի, հայտարարված մրցույթների մասին:

Դիմեք մեզ ենթահամակարգում ներկայացվում է պետական կառավարչական հիմնարկի հասցեն, հեռախոսի և ֆաքսի համարները, էլեկտրոնային փոստը, ինչպես նաև համացանցային քարտեզի ընձեռած հնարավորություններով տեղեկանում ենք մարզի աշխարհագրական դիրքի մասին:

Քննարկումներ ենթահամակարգը հնարավորություն է ընձեռում հասարակության քննարկմանը ներկայացնել հետաքրքրություն ներկայացնող թեմաներ, որոնց արդյունքների հիման վրա ձևավորվում է տվյալ հարցի վերաբերյալ հասարակական կարծիք:

Հղումներ բաժնում նախատեսված են հղումներ դեպի ՀՀ Նախագահի, ՀՀ կառավարության, ՀՀ ազգային ժողովի, ՀՀ նախարարությունների ու կառավարությանն առընթեր մարմինների և այլ պաշտոնական կայքեր:

3. Կայքը վարվում է հայերեն լեզվով:

4. Կայքի սպասարկումը և տեղեկատվության մուտքագրումը

4.1. Կայքի գործառնության ընդհանուր պատասխանատվությունը կրում է մարզպետարանի

աշխատակազմի ղեկավարը, իսկ սպասարկումն ապահովում են աշխատակազմի կառուցվածքային ու առանձնացված ստորաբաժանումները:

4.2. Աշխատակազմի ղեկավարը ստորաբաժանումների ղեկավարների ներկայացմամբ նշանակում է տվյալ ստորաբաժանման գործունեությանն առնչվող տեղեկատվության մուտքագրման և ներկայացման պատասխանատու անձ:


4.3. Կայքի տեղեկատվական սպասարկումն իրականացնում է աշխատակազմի տեղեկատվության և հասարակայնության հետ կապերի բաժինը:

4.4. Կայքում տեղադրվող նյութերի ընտրության և դրանց բովանդակության համար պատասխանատվություն է կրում համապատասխան ստորաբաժանման ղեկավարը:

4.5. Աշխատակազմի ստորաբաժանումների կողմից կայքում տեղեկատվություն մուտքագրելու համար, ստորաբաժանման ղեկավարը տեղեկատվությունը համաձայնեցնում է ոլորտը համակարգող մարզպետի տեղակալի հետ:

ՀՀ Վայոց ձորի մարզպետարանի

աշխատակազմի ղեկավար



Ս. Աղայան